

**«Рақамли иқтисодиёт шароитида иқтисодиёт ва ишлаб чиқаришни ташкил этиш ва бошқариш: назария ва амалиёти» мавзусида ҳалқаро миқёсида ўтказиладиган илмий-амалий анжуман**

**АХБОРОТ ХАТИ**

Тошкент молия институти “Менежмент ва маркетинг” кафедраси томонидан 2021 йил 15 апрель куни “Рақамли иқтисодиёт шароитида иқтисодиёт ва ишлаб чиқаришни ташкил этиш ва бошқариш: назария ва амалиёти” мавзусида ҳалқаро миқёсида илмий-амалий анжуман ўтказилади.

Анжуманга олий таълим муассасаларининг профессор-ўқитувчилари, амалиётчи мутахассислар, докторантлар, мустақил изланувчилар, магистрантлар, талабалар иштирок этиш учун таклиф этилади.

**АНЖУМАН ЙЎНАЛИШЛАРИ:**

1. Рақамли иқтисодиёт шаклланиши шароитида иқтисодий-молиявий барқарорликни таъминлаш ва бошқариш масалалари.

2. Рақамли иқтисодиёт шаклланиши шароитида АҚТ: муаммо ва ечимлар.

3. Рақамли иқтисодиёт шаклланиши шароитида ишлаб чиқаришни ташкил этиш ва бошқариш масалалари.

4. Рақамли иқтисодиёт шаклланиши шароитида менежмент ва маркетингнинг долзарб масаалари

**Анжуманга тақдим этиладиган маъруза тезисларига талаблар:**

– тезислар анжуман йўналишларига оид долзарб мавзуларда, илмий таҳлил ва тугалланган фикрлар асосида, илмий-амалий тавсияларни ўз ичига қамраб олган ҳолда, имловий хатоларсиз, муаллиф анкетаси тўлдирилган ҳолда тақдим этилиши лозим;

– материаллар ўзбек, рус ва инглиз тилларида тақдим этилиши мумкин;

– маъруза тезислари матнлари таҳрир қилинган ҳолда А4 ўлчовидаги қоғозга, юқоридан ва пастдан 2 см, чапдан 2 см, ўнгдан 2 см жой қолдириб, 1 нусхада расмийлаштирилади. Юқори қисмда ўртада мақоланинг номи, 1,5 интервалдан сўнг муаллифнинг тўлиқ фамилияси, исми ва шарифи, илмий даражаси ва унвони, лавозими, ташкилот номи, муаллифнинг телефон рақами, электрон манзили ёзилади. Сўнгра 1 интервал қолдирилиб, матннинг мазмуни 1 интервалли қаторларда ёзилади. Матннинг электрон нусхаси MS Word дастурида, Times New Roman шрифтида, 14 кегель катталигида, 3 бетдан кўп бўлмаган ҳажмда бўлиши талаб этилади.

**Материалнинг тузилиши:**

1. Қисқача аннотация (2-3 гап ҳажмида), калит сўзлар (5-6 та);
2. Тадқиқот мавзусидаги мавжуд муаммолар;
3. Муаммони ҳал қилиш усуллари;
4. Илмий асосланган таклиф ва тавсиялар;
5. Фойдаланилган адабиётлар рўйхати.

**Анжуманга материалларни тақдим этиш муддати.** Анжуманда қатнашиш учун талабгорлар **2021 йил 10 апрелгача** белгиланган тартибда маъруза тезисларини қуйида кўрсатилган манзилга ва электрон манзилга жўнатишлари лозим.

Анжуманга тақдим этиладиган материаллар қайси йўналишга мўлжалланганлиги аниқ кўрсатилиши зарур. Материалда келтирилган маълумотларга муаллифнинг шахсан ўзи жавобгар ҳисобланади. Ташкилий кўмита юборилган материалларни таҳрир қилиш хуқуқига эга. Анжуман мавзусига мос бўлмаган, тегишли талабларга жавоб бермайдиган, илмий-амалий тавсияга эга бўлмаган ва кечикиб топширилган материаллар тўпламга киритилмайди ва муаллифга қайтарилмайди.

Анжуман материалларини тўплам шаклида чоп этиш ва ташкилий ишларни амалга ошириш учун иштирокчилар тезисларни ҳар бир саҳифаси учун 15 000 сўм миқдорида ташкилий бадал маблағини тўлашлари зарур.

**Мурожаат учун манзил.** Тошкент шаҳри, А.Темур қўчаси, 60а уй, Иқтисодиёт факультети биноси (422-хона), «Менежмент ва маркетинг» кафедраси.

Боғланиш учун телефон: (71) 234-04-88.

Материалларнинг электрон вариантни қуйидаги манзилларга юборилиши мумкин: Телеграм:@konferensiya1504, shodiya1212@list.ru: Хат мавзусида “Анжуман учун тезис” деб ёзилиши керак.

Пластик карта рақами:( 8600 3329 3784 6800 IPOTEKA BANK)

Ш.Алляров - тел. (71 234 04 88), (97 7514659).